



024-594-NPO

President : Johan Roos
072-621 8129

johanroos53@gmail.com

Admin – kantoor
President Swartstraat 5, Bethlehem 9701
082 336 2353

rrb.admin@mweb.co.za

www.rapportryers.org.za

Bakkiesblad:rapportryerbeweging/RRB

KNAPSAK 40

Desember 2021

Geagte Rapportryers en vriende,

LANDSBERAAD 2022

DATUM: 11 tot 13 Maart 2022

PLEK: Manor Hills Gastehuis, Rustenburg

TEMA:


Ons vir Jou Suid-Afrika!

Johan Roos (President) **Cilliers de Kock** (Vise-President)

Henk Kraaij (Gauteng/Mpumalanga) **Jaun de Heer** (Natal) **David Fensham** (Noordwes/Limpopo)

Neil Schreuder (Oos-Kaap) **Pieter vd Merwe** (Vrystaat/Noord-Kaap) **Werner Visagie** (Wes-Kaap)

Danie Eichstädt (Sekretariaat)

In vennootskap met die 

ORGANISEERDER

Die organisering van Landsberaad 2020 rus hierdie keer op die skouers van Rapportryerraadslid David Fensham (Provinsiale voorsitter Noordwes/Limpopo) **(079 494 190 david.fensham@gmail.com)** in samewerking met Rustenburg Boekenhout-korps en die RRB-Dagbestuur.

PROGRAM

Die Landsberaad en Gala-aand vind plaas op Saterdag, 12 Maart 2022, en begin om 8:00. Beraadgangers moet egter hulle sake reël om reeds Vrydag aan te kom om informeel te verkeer en die ete die aand saam te geniet. Sodoende behoort ons almal reg ingestel te wees vir die volgende dag se verrigtinge.

- Die Rapportryerraad vergader Vrydagmiddag.

Die volgende verskyn op die Landsberaad se sakelys:

1. Nasionale Bybelvasvra.
2. Samewerking met die Voortrekkermonument, Erfenisstigting en Bloedrivier.
3. Samewerking met die FAK.
4. Finansies.
5. Presidentsrede.
6. Mosies, Beskrywingspunte en voorgestelde grondwetwysigings.
7. Bespreking en besluitneming ivm die Landsberaadtema.

VERBLYF

Drie-ster gesamentlike en afsonderlike geriewe is gereël by Manor Hills Gastehuis (www.manorhills.co.za) ongeveer 6,6km vanaf die Waterfall Mall op die ou Johannesburg-pad (R24). **GPS Koördinate: S 25°45'36.3 E 027°16'08.2**

- Rapportryerraadslede, eregaste en hul gades se verblyf is reeds bespreek.
- Ander beraadgangers is self verantwoordelik om verblyf te bespreek en te betaal by Manor Hills (014 537 2811 (Sonia) info@manorhills.co.za). **Meld asseblief met die bespreking: "RRB Landsberaad"**.

TARIEWE:

Enkelpersoon (nie deel)	- R600 per nag
2 Persone deel	- R1 000 per nag vir kamer
3 Persone deel	- R1 350 per nag vir kamer
4 Persone deel	- R1 680 per nag vir kamer
Ontbyt	- R95

Rapportryer Ruurd van der Wal (082 895 7808 ruurd@ruurdvdwal.co.za) is verantwoordelik vir hierdie deel van die Landsberaad.

UITSTAPPIES

Vir meer inligting skakel gerus met David Fensham (079 494 190 david.fensham@gmail.com)

REISREËLINGS

Beraadgangere wat verkies om te vlieg word aanbeveel om liefs Lanseria Lughawe as bestemming te gebruik.

KOSTES

- Beraadfooi **R500** vir afgevaardigdes/waarnemers en **R500** vir gades se etegeld. Dit sluit alle etes in.
- Afgevaardigdes/waarnemers (of hul korpse) is self verantwoordelik vir reiskoste en die koste van huisvesting.
- Die RRB dra die kostes van Rapportryerraadslede en eregaste.
- Die koste vir uitstappies is nominaal en kan ter plaatse betaal word.

INSKRYWINGS

Die inskrywingsvorm vir afgevaardigdes/waarnemers word hierby aangeheg. Almal moet dit asseblief voltooi en instuur (**ook Rapportryerraadslede!**).

Let asseblief op die bepalinge van die Grondwet wat betref die bywoning van die Landsberaad:

Die Landsberaad

9.1.1. Die Landsberaad is die hoogste besluitnemende gesag.

9.1.2. Enige lid mag die Landsberaad bywoon as waarnemer.

9.1.3. Lede van die Rapportryerraad het spreek- en stemreg. Elke lid het slegs een stem.

9.1.4. Korpse vaardig twee lede af met volle stemreg per ledetal van tien lede of minder met 'n verdere afgevaardigde vir elke volgende tien opbetaalde lede.

Artikel 9.1.4. beteken dus dat korpse soos volg verteenwoordig kan word deur **opbetaalde** afgevaardigdes (**dus ledegeld betaal tot en met 2022**):

- 19 of minder **opbetaalde lede** - 2 afgevaardigdes
- 20 tot 29 **opbetaalde lede** - 3 afgevaardigdes
- 30 tot 39 **opbetaalde lede** - 4 afgevaardigdes
- 40 tot 49 **opbetaalde lede** - 5 afgevaardigdes
- 50 tot 59 **opbetaalde lede** - 6 afgevaardigdes
- Ensovoort

Daar is geen beperking op die aantal waarnemers nie en tradisioneel word ook geen stremmende beperkinge op waarnemers geplaas nie.

Hoofkantoorlede is nie aan 'n bepaalde korps verbonde nie, maar is eweneens welkom om by te woon en geniet volle stemreg.

Voltooid inskrywingsvorme moet voor 31 Januarie 2022 ingedien word by die twee bestemmings wat daarop aangedui is en die betaling van die toepaslike fooie moet terselfdertyd gedoen word op die aangeduide bankrekening van die RRB met duidelike aanduiding in die oorbetaling op watter korps dit van toepassing is.

MOSIES, BESKRYWINGSPUNTE EN GRONDWETWYSIGINGS

Korpse en Hoofkantoorlede wat graag krag wil verleen aan hul ideale vir daadwerklike optrede deur die RRB, moet vroegtydig begin dink en formuleer aan besluite wat hulle graag deur die Landsberaad bekragtig wil hê.

Konsentreer veral op sake wat verband hou met die tema en punte op die sakelys van die Landsberaad.

Onpraktiese besluite is in die verlede deur die Landsberaad geneem wat dit vir die Rapportryerraad moeilik gemaak het om uit te voer. Die Dagbestuur sal dus noulettend wees met die keuring van voorstelle. Afwykings sal egter behoorlik met voorstellers opgeneem word.

Die voorstelle sal in die Knapsak van **Februarie 2022** bekend gemaak word sodat korpse daarvoor kan besin en hul afgevaardigdes behoorlik kan bemaagtig vir besluitneming.

Luidens die bepalings van die Grondwet moet dit nie later nie as **60 dae** voor die aanvang van die Landsberaad ingedien word, dus **voor 11 Januarie 2022**.

Geen mosies, beskrywingspunte of voorgestelde grondwetwysigings wat ná hierdie sperdatum ingedien word sal ongelukkig in aanmerking geneem kan word vir oorweging nie. Voorstellers moet eweneens persoonlik by die Landsberaad teenwoordig wees om hul voorleggings te lewer en te motiveer. Anders sal dit eenvoudig verval.

INTERNE TOEKENNINGS

Toekennings aan korpse sal, soos gebruikelik, uitsluitlik geskoei wees op gegewens wat vervat is in korpsverslae volgens die aangepaste elektroniese formaat wat saam met hierdie **Knapsak** aan korpse verskaf word.

- Korpse moet **NOU** reeds begin om alle aktiwiteite van die korps sedert **1 Januarie 2020 tot 31 Desember 2021** in die verslagformaat op te neem sodat slegs die afrondingswerk na 31 Desember 2021 gedoen hoef te word.
- Inligting kan slegs op die groen ingekleurde blokkies ingevul word. Die ander dele is gesluit. Die termyn datums is veranderbaar met die oog op volgende verslae, maar moet vir hierdie termyn gehou word soos vermeld in die eerste kolletjie-paragraaf hierbo.
- Identifiseer vroegtydig 'n spesifieke lid om in samewerking met die voorsitter/sekretaris hierdie taak uit te voer.
- Bykomstige stawende inligting kan gerus ingebou of saamgestuur word (bv. koerantknipsels).
- Korpsverslae moet voor **31 Januarie 2022** ingedien word sodat die beoordelaar voldoende tyd kan kry om sy taak betyds af te handel.
- Die beoordeling aan die hand van die goedgekeurde kriteria-gewigte word hierdie keer gedoen deur Vise-President, **Cilliers de Kock (082 826 8844 cdekock@csggroup.co.za)**
- **Korpse wat nie korpsverslae indien op die elektroniese formaat nie sal ongelukkig nie in aanmerking kom vir enige toekennings nie! Dit is nodig vir eenvormige beoordeling.**
- **Provinsiale voorsitters kan gerus genader word om behulpsaam te wees en sal ook ondersteuning gee sodat alle korpse hulle verslae sal indien.**

EKSTERNE TOEKENNINGS

Die Rapportryerraad het besluit om 'n spesiale toekenning te maak aan doktor Danie Langner, Besturende direkteur FAK, Voortrekkermonument, Erfenisstigting, Bloedrivier en Hoofleier Voortrekkerbeweging. Hy en sy gade sal dus ons eregaste wees.

RAPPORTRYER VAN DIE TERMYN

Korpse kry nou die geleentheid om te help dink aan geskikte kandidate vir hierdie toekenning. Die volgende moet in gedagte gehou word:

- Aanbevelings word gerig aan die RRB-dagbestuur en moet behoorlik motiveer word.
- Prestasies in belang van die doelstellings van die RRB moet wyer as die plaaslike omgewing wees – verkieslik met nasionale impak.
- Rapportryerraadslede kom nie vir hierdie toekenning in aanmerking nie.
- Die toekenning word slegs gedoen indien 'n geskikte kandidaat wat aan die vereistes voldoen gevind kan word. Anders word geen toekenning vir hierdie termyn gedoen nie.

DRAGKODE

Geen formele dragkode word voorgeskryf nie. Dit word aan die goeie oordeel van beraadgangers oorgelaat met inagneming van die waardigheid van die Landsberaad en Gala-aand en respek teenoor dames en gaste.

KORPSNUUS

Met vreugde kan ek rapporteer dat 'n nuwe korps in Potchefstroom gestig is op 26 Oktober 2021! Hartlik geluk Riaan Vernooy (voorsitter) en die 6 ander stigterslede! Ons almal sien met verwagting uit na julle dinamiese aksies en groei!




Die formele stigtingsvergadering met President Johan Roos aan die woord



Die vergadering word soos gebruiklik voortgesit rondom die braaivleisvuur!

KERS- EN NUWEJAARSWENSE DEUR DIE PRESIDENT



**'n WARE EN GESEËNDE CHRISTUSFEES WORD U ALMAL TOEGEWENS.
MAG U TYDENS DIE FEESTYD GOD SE LIEFDE, VREDE EN GELUK
ERVAAR.**

**MAG DIE LIEFDE, VREDE EN GELUK SAAM MET ALMAL VAN ONS
OORSPOEL IN DIE NUWEJAAR.
MAG ONS ALMAL DIE VADER SE GROOT GENADE GENIET GEDURENDE
2022, EN WERKLIK 'n BAIE BESONDERE JAAR BELEEF VOL
ONVERGEETLIKE MOOI GODDELIKE ERVARINGS.**

Rapportryergroete!

Danie Eichstädt

Sekretaris